





Jedan protiv deset.

Ratujuće stranke kao da su u opšte izgubile osjećaj, kakvu sramotnu sliku pružaju sporazumne sile time, što podižu tolike narode protiv središnjih vlasti, pa opet ne mogu da pobijede...

Školska objava.

C. i k. vojna glavna gubernija u Srbiji, odjeljenje 8/b. Izdala je pod br. 14.238/1917. od 26. jula o. g. sljedeću objavu: Nov spis i primanje djaka u c. i k. realnu gimnaziju u Beogradu i u c. i k. poljoprivredni i zanatlijski zavod na Banjici za školsku godinu 1917/18.

ostali moraju doći u pratnji roditelja, srodnika ili od ovih izabranih odraslih lica na upis ili prijemi ispit. Za školsku godinu 1917/18. ima da se plate ove dažbine: Upisnina za I. razred 40 kr. Upisnina za više razrede 8 kr. Školarina za cijelu godinu 40 kr.

Rimokatolička služba Božia. Sutra u nedjelju, 5. avgusta, službe se: 1. U konaku: u 8 sati njemačka i češka propovijed i sv. misa za vojništvo. Slobodan pristup ima i građanski. 2. U župskoj crkvi (Poslanička ulica): u 8 sati ujutro tih sv. misa. — U 10 sati srpsko-hrvatska propovijed i pjevana sv. misa.

Veliko svjetsko hrvanje. U prvoj polovini ovog mjeseca vršice se u Beogradu veliko svjetsko hrvanje između najčuvenijih šampiona. U ovom hrvanju učestvovali su poznati „Junak iz Like“, Marjan Matijević, a u ocjenjivačkom sudu biće stari beogradski sportista Dr. Zega. Pojednostoj obja- vičemo naknadno.

Oslobodjenje Cernovica. Veselje u Beču. Kb. Beč, 3. avgusta. Vijest o zauzeću Cernovica izazvala je u Beču silno zadovoljstvo. Javne i privatne zgrade okićene su barjacima. Večernji listovi podavaju zauzeću Cernovica veliko političko značenje.

